

Argitalpenetarako Jardunbide Gida

Udako Euskal Unibertsitateko (UEU) Argitalpen Batzordeak (liburuen argitalpena, *Uztaro* aldizkaria eta UEUK kaleratzen dituen gainerako aldizkariaren Erredakzio Kontseiluak barne) Argitalpenen Etika Batzordeak (Committee on Publications Ethics, [COPE](#)) ezarritako Kode Etikoa eta Jardunbide Egokiak betetzen ditu. UEUren argitalpenen gida hau horietan oinarritzen da.

Garrantzitsua da argitaratzean parte hartzen duten alderdi guztiengandik espero den jokabide etikoaren arauak adostea: egileak, aldizkariaren editoreak, aditu ebaluatzaileak, Erredakzio Kontseiluak eta UEU.

Aldizkariaren eta Erredakzio Kontseiluen betebeharrak orokorrak

- Aldizkaria etengabe hobetzen dela zaintzea.
- Argitaratzen diren artikuluen kalitatea bermatzea.
- Aldizkariaren edukiaren osotasun akademikoari eustea.
- Adierazpen-askatasuna errespetatzea.
- Erredakzio Kontseiluaren osaera aldi berean behin berrikustea.
- Aldizkariaren etengabeko hobekuntza sustatzea.
- Egile eta kontribuzio onenak hautatzea.
- Aldizkarietara argitaratzera bidalitako eskuizkribuak aztertzea.
- Artikuluak ebaluatzeko izendatutako ebaluatzaileen anonimotasuna bermatzea.
- Ez gainjartzea, inola ere, merkataritza-interesik aldizkariak bere gain hartzen dituen konpromiso intelektual eta etikoei.
- Akatsak antzemanaz gero, zuzenketak, atzera-egite eta barkamen-eskaerak argitaratzeko prest egotea.
- Argitalpenerako Jardunbide Gidaren betetzea zaindu eta eguneratzea, behar denean, Argitalpen Batzordearekin elkarlanean.

Irakurleekiko harremana

- Aldizkariaren zuzendaritzek eta Erredakzio Kontseiluek arau eta gidak landuko dituzte, egile eta laguntzaileen jardunbide egokiari lagunduko diotenak, jokabide desegokiak saihesteko.
- Erredakzio Kontseiluek eta editoreek argitaratutako azterlanak aditu independenteek behar bezala ebaluatu dituztela bermatuko dute.
- Kanpo-ebaluazioa egiten ez duten aldizkariko atalak argi identifikatuta agertuko dira.

- Aldizkarian argitaratutako ikerketei edo ikerketa finantzatu duten babesleei buruzko informazioa emango zaie irakurleei.

Egileekiko harremana

- Aldian-aldian egileentzako jarraibideak berrikusiko dira, informazio-iturrietarako loturak zainduz.

- Harrera-datak eta onarpen-datak adieraziko dira.

- Ekarpenen gaiaren araberrako ebaluatzaileen hautaketa egokia bermatuko da.

- Erredakzio Kontseiluek eta editoreek beharrezko neurriak hartuko dituzte argitaratutako materialaren kalitatea ziurtatzeko, eta plagioak eta jatorrizkoak ez diren lanak argitaratzea saihesteko.

Parekoen berrikuspen-prozesua

- Parekoen berrikuspen egokia funtsezko elementutzat jotzen da. Ebaluatzaileek eskuizkribuaren argitaratzeari buruzko laguntza ematen diote Erredakzio Kontseiluari. Egileekin bideratzen den komunikazioaren bidez lanaren hobetzean ere parte hartzen dute.

- Erredakzio Kontseiluek ebaluatzaileen lana gainbegiratu eta une oro kalitate zientifikoa bermatuko dute.

- Ebaluatzaileei objektiboak izatea eskatuko zaie, eta epaia eta ebaluazioa argiak eta zehatzak izatea, behar bezala argumentatuta eta inpartzialak. Era berean, interes-gatazkak saihestuko dira (pertsonalak, akademikoak, merkataritzakoak, etab.). Ahal den neurrian, eskuizkribuan aipatzen ez diren argitalpen garrantzitsuak adierazi beharko ditu ebaluatzaileak. Eskuizkribuan agertzen diren eta ebaluatzaileak ezagutzen dituen eta jada argitaratuta dauden beste artikuluko batzuetako antzekotasunak edo identitate partzialak ere adierazi behar ditu.

- Ebaluatzaile bat eskuizkribu jakin bat ebaluatzeko behar bezala gaitua ez badago edo, jakin badaki ezin duela arrazoizko denboran egin, berehala jakinarazi beharko dio zuzendaritzari.

- Ebaluatzailearen bati jokabide desegokia antzemanaz gero, beharrezko neurriak hartuko ditu Erredakzio Kontseiluak.